

Ein Schulaufsatz über'n Advent, vermutlich aus dem Schwäbischen

Dr Advent isch di schenscht Zeit em Wenter.

Die meischte Leit hen em Wenter a Gribbe. Desch isch mit Fieber.

Mir hen au oine, aber di isch mit Beleichtong ond mr schreibt's mit „K“.

Drei Wocha bevor's Chrischkend kommt, sctelld dr Babba dia Gribbe em Wohnzemmer auf ond mei kloine Schweschter ond i derfat mithelfa.

Gribba sen langweilig.

Aber onser net, weil mir hen mordsdolle Figura dren. I han amol dr Josef ond's Chrischkend auf dr Ofa g'sctelld, dass ses sche warm hen – ond des war dene z'hoiß. S' Chrischkend isch schwarz g'worda ond dr Josef hot's en lauder Tremmer zerrissa. Oi Fuaß isch bis en dr Guatslesdeig g'floga ond des war koi schener A'blick. Mei Mama hot me g'schempfd ond g'sagt, dass net amol dia Heilige vor meiner Bledheit sicher send. Wenn d' Maria ohne Mo~~x~~ ond ohne Kend dostohd, siesch net guat aus!

Aber i han Gott sei Dank viel Figura en meiner Schpielkischd- ond dr Josef isch jedzd a Donald Dag. Als Chrischkend han i dr Aschderix nemma wella, weil der so kloie isch, dass'r en dr Fudderdrog bassd.

Aber do hot Mama g'sagt, mr ka doch als Chrischkend koin Aschderix nemma, do isch jo no's verbrennde Chrischkend besser. Des isch zwor schwarz, aber emmer no a Chrischkend.

Hender'm Chrischkend steh'n zwoi Oxa, a Esel, a Nilpferd ond an Prondosaurier. Des Nilpferd ond den Saurier han i nog'schdelld, weil dr Ox ond dr Esel warad mir z'langweilig.

Lenks neba dem Stoi kommad grad dia heilige drei Kenige doher. Oi Kenig isch em Babba em ledschda Advent beim Butza nag'falla ond er war dodal he. Jedzd hemmer bloß no zwoi heilige Kenig ond an heilige Bädman als Ersatz.

Normal hen jo dia heilige drei Kenig an Haufa Zeig für's Chrischkend drbei, nämlich Gold, Weihrauch ond Püree –oder so ehlich... Von de onser hot oiner anschdadd Gold a Kaugummibabierle drbei, des glenzd au sche.

Dr ander hot a Marlboro en dr Hand, weil mir koin Weihrauch hen. Aber die Marlboro raucht au sche, wenn mr se a'زندet. Dr heilige Bädman hot a Pischtol drbei. Des isch zwor koi Gschenk für a Chrischkend, aber domit kennt er's vorm Saurier beschütza.

Hender dene drei Heilige sen a baar rotheitige Indianer ond an käsiger Engl. Dem Engl isch an Fuaß abbrocha, drom hemmer'n auf a Modorrad gsetzt, dass er sich's leichter duat. Mit'm Modorrad ka er fahra, wenn er net grad fliagt.

Rechts näbam Stoi hemmer a Rotkäppchen nogschdellt. Sie hot a Pizza ond an Moscht für d'Oma drbei. An Wolf hemmer net, drom guggt onderm Baum a Puddele als Ersatz viere.

Mehr schdeht en onsra Gribbe net dren, aber des reicht au. En dr Nacht schaldet mir s'Lichd ei ond dann isch onser Gribbe erscht richtig sche. Mir hocked no alle do ond sengat Liader vom Advent. Manche g'fallet mr, aber manche sen mr z'fad.

Mei Oba hot amol a Gedicht vom Advent g'lernt, des goht so:

Advent, Advent, dr Obschdler brennt,
erscht drengscht oin, dann zwoi, drei, vier,
dann haut's de mit'm Hirn an d'Tür.

Obwohl des Gedicht recht sche isch, hot d'Mama g'sagt, dass i mir's net merka derf.

Bis mr recht guggt, isch dr Advent vorbei ond Weihnachda au ond's Johr au. D'Gschenk sen auspackt ond mr griagt vor Oschtern nix me, högschdens mr hot Geburtsdag.

Aber ois isch sicher – dr Advent kommt emmer wieder!